

كان رسول الله ﷺ يعلم أصحابه هذا الدعاء كما يعلمهم السورة من القرآن

شريف علي

السلام عليكم. بسم الله والحمد لله والصلاة والسلام على رسول الله. في صحيح مسلم عن ابن عباس رضي الله عنهما ان النبي صلى الله عليه وسلم كان يعلمهم هذا الدعاء كما يعلمهم السورة من القرآن - [00:00:00](#)

النبي عليه الصلاة والسلام كان يعلم الصحابة الدعاء ده زي ما بيعلمهم السورة من سور القرآن لاهمية الدعاء ده. ايه الدعاء ده كان يقول قولوا اللهم انا نعوذ بك من عذاب جهنم - [00:00:14](#)

واعوذ بك من عذاب القبر واعوذ بك من فتنة المسيح الدجال. واعوذ بك من فتنة المحيا والممات عايزين نحفز الدعاء ده ونتعلم ان احنا ندعي به في كل صلاة بعد التشهد - [00:00:27](#)

تقول ايه؟ اللهم انا نعوذ بك من عذاب جهنم اول حاجة الاستعاذة بالنار ان هي اشد حاجة اخطر حاجة وبعدين واعوذ بك من عذاب القبر اعوذ بك يا رب ان انا ما اتعزبش في القبر واعوذ بك من عذاب القبر - [00:00:40](#)

واعوذ بك من فتنة المسيح الدجال لان الساعة تأتي بغتة في اي لحظة او ممكن في اي لحظة الدجال يطلع ففي ناس هتتبع الدجال فانا بقول يا رب اعوذ بك من فتنة المسيح الدجال. فهو فاكر الفتنة. فيستعيز بالله من الفتنة دي - [00:00:57](#)

يا رب اصرف عني النار يا رب مش عايز اتعزب في القبر يا رب مش عايزة اتفتن لما الدجال يطلع واتبعه واعوذ بك من فتنة المسيح الدجال واعوذ بك من فتنة المحيا والممات - [00:01:14](#)

فتن المحيا كتير انسان يفتن في دينه والعياذ بالله آآ ربنا يثبتنا يا رب. يفتن في في اهله يفتن في ماله. فتن المحيا كتير فتن الدنيا كتير وفتنة الممات ان زي ما النبي عليه الصلاة والسلام قال واعوذ بك ان يتخبطني الشيطان عند الموت - [00:01:27](#)

ان الشيطان يجي الانسان في لحظة الموت ويفتنوا في دينه يلبس عليه العقيدة بتاعته ممكن انسان يموت اه على الكفر والعياذ بالله ممكن الانسان يموت على كبيرة من الكبائر على معصية - [00:01:47](#)

بفتنة الممات اما المقصود بها ان الانسان يفتن في لحظة الموت او فتنة الممات فتنة القبر السؤال في القبر من ربك وما دينك ومن نبيك الحديث ده فيه ان احنا نستعيز بالله من من الاربعة حاجات دول. اللهم اني اعوذ بك من عذاب جهنم - [00:02:03](#)

واعوذ بك من عذاب القبر واعوذ بك من فتنة المسيح الدجال واعوذ بك من فتنة المحيا والممات احفظوا الدعاء واتعود ان انت دايم في كل صلاة بعد التشهد قبل السلام تدعي الدعاء ده - [00:02:22](#)

وتستشعر خطورة الفتنة دي وشر الفتنة دي وانت بتدعي عشان ربنا سبحانه وتعالى يصرف عنا باذن الله ربنا يسبتنا وياكم على الحق. وآآ ويتوفانا على الاسلام سبحانه وتعالى. جزاكم الله خيرا. سبحانهك اللهم وبحمدك. اشهد ان لا اله الا انت. استغفرك - [00:02:38](#)

واتوب اليك والحمد لله رب العالمين - [00:02:59](#)